



Anwar mengadakan pertemuan dengan Johan Mahmood dan Anis Rizana di Putrajaya, semalam.

(Foto ihsan PMO)

# PM jumpa pengurusan tertinggi Perbendaharaan

BH - 30/12/2022 ms: 4

**Kuala Lumpur:** Datuk Seri Anwar Ibrahim mengadakan pertemuan dengan pengurusan tertinggi Perbendaharaan di Putrajaya, semalam, antara lain untuk membincangkan mengenai Bajet 2023.

Perdana Menteri mengadakan perjumpaan itu bersama Timbalan Ketua Setiausaha Perbendaharaan (Dasar), Datuk Johan Mahmood Merican dan Timbalan Ketua Setiausaha Perbendaharaan (Pelaburan), Datuk Anis Rizana Mohd Zainudin, tengah hari semalam.

“Kami menelaah serta menekuni urusan Perbendaha-

raan, terutama soal rakyat dan Belanjawan 2023 yang akan datang, selain menyelesaikan urusan kerajaan sebelum melangkah ke tahun baharu 2023,” katanya dalam catatan melalui Facebook.

Terdahulu, Yang Dipertua Dewan Rakyat, Datuk Johari Abdul, mengesahkan Anwar dijadual membentangkan Belanjawan 2023 di Dewan Rakyat, 24 Februari tahun depan.

Belanjawan itu akan dibentangkan Anwar yang juga Menteri Kewangan, pada Sidang Pertama Parlimen Ke-15 bermula 13 Februari tahun depan.

BERNAMA